

صندوق الدنيا

أحمد فؤاد نجم

فهرس

١	صندوق الدنيا
١	أحمد فؤاد نجم
٣	صندوق الدنيا
٤	السيما
٦	عنتر
٨	عبلة
١٠	جائزة نوبل
١٢	الانتخابات
١٥	فزرة
١٨	الشحاتين
٢٠	اليوبو
٢٢	قيدوا شمعة
٢٥	كلب الست
٣٠	دولا مين
٣٢	موال للسماك
٣٣	الطنبور
٣٧	التوبة
٣٩	في الليل
٤٨	تل الزعتر
٥٠	النقطة
٥٣	الفوازير
٥٨	التحالف
٦٣	صباح الخير
٦٥	شيد قصورك
٦٧	رسالة
٦٩	الإضراب
٧٢	البتاع

صندوق الدنيا

بانوراما دنيا فونيا
صندوق الدنيا عصري
الصورة من أميركا
و الصوت من جوه مصري
لو تفهم كل قصدي
أوهب لك كل قصري
و اكتب لك الوصية
على جناح الوصية
على جناح الحمام
وانفرج يا سلامم
وانفرج يا سلام

السيما

شوف عندك يا سلامم
وانفرج يا سلام
أفلام القرع كوسه
حتقدم فيلم خام
من مخرج الروايح
ومسبب الزكام
عن قصه واقعية
من تشخيص المدام
والفيلم لجل خاطرك
واخذ مليون وسام
وانفرج يا سلامم
ع السیما يا سلام

الناس ملهية وساكتة
والصالة بتشغى عيون
والفيلم مطلع ريحه
والناس مش لاقية لمون

عيل فرحان بشبابه
ومغرق شعره صابون
مشكلته.. ما بيخلفشى
ومراته كمان بتخون
ودلال بتحب عطيه
وعطيه جدع مجنون
لازق ف زبيده التشه
أخت الأستاذ مأمون
اللي مراته ام قداره

أخت محمد سعدون
جوز تانت ماريكا الهبله
اللي مرافقه المأذون
واللي معلق نبويه
بنت الأستاذ مأمون

عنتر

شوف عندك يا سلامم
وانفرج يا سلام
عنتر بني الشواربي
فارس ما فيش كلام
بالشنطة السامسوناييت
و النضارة السيكام
يهزم جيش الضرايب
و الدولة و النظام
و يلعلع في المضاربة
ويراهن بالمدام
وانفرج يا سلامم
على عنتر يا سلام

سلي الجمالك والإدارة
يا عبله يا حطة حماره
عن لعبة التهريب و عني
يا بنت مالك العمارة
صاحبت فيكي ألف فارس
وجبتهم لك المغارة
عملتي فيها نص فله
ولبستي برقع الطهارة
عشان سي عبده
ذا بوي فرندك
أبو الشوارب مستعارة
يا هبله
يام دماغ رومانسي
يا مأخراني في التجارة

دفعت فيكي دم قلبي
و طلعتي ببيعه بالخسارة

عبلة

شوف عندك يا سلامم
وانفرج يا سلام
على عبلة بنت مالك
عمارة السلام
دلوعة النوادي
اللي اتقطمت مدام
خيوبة في المدارس
لهلوبة في الغرام
تعشق في الثانية دسنة
شوف تبقى الساعة كام
وانفرج يا سلامم
على عبلة يا سلام

عبودي يا حبيبي
يا كلب يا لثيم
عشان وقفة شواربك
باغير من الحريم
وأبات أسمع داليدا
و اهيم في عبد الحليم
و اعض في المخدة
و اطيير مع النسيم
و اكلم مامي عنك
وخالتي ام ابراهيم
باحبك يا مغفل
واروح فيك الجحيم
ويابي الحاج مالك
مبارك يا غشيم

و لو عنتر يبلضم
حياكل بالقديم

جائزة نوبل

شوف عندك يا سلامم
واتفرج يا سلام
مواطن
شخص عادي
مالوش أي اهتمام
ومبارك الخيانة
ومسميها السلام
وف يوم قرا الجرايد
تاريخ ما اعرفش كام
من يومها يا ضنايا
بيشقلب في الكلام
واتفرج يا سلامم
على شقلب يا سلام

لما محانم جبين يا دخ
زايجة لوين
يعنى مناحم بيجن
ياخد جايزة نوبل
تبقى النوديا
يعنى الدنيا
ماشيه بتحدف بالمندار
يبقى الشهر اتناشر ساعه
يبقى اليوم
ليلتين ونهار
يبقى القاتل
شخص ضحية
والمقتول مجرم جبار

شفتوا إزاي ؟

أما صحيح الطب اتقدم
وحنا ما وصلتناش أخبار
أيوه بالجنة لوين بيه
قاعدة ازاي بتلجنى إيه
أنا مش فاهم حاجه صراحه
لما القاتل يا خد جايزه
كده من دون تليبخ وأباحه
يبقى

يا إما اللجنه دى بايظه
أو لا مؤاخذه

رئيسها حمار

يبقى يا لجنه يا عره يا كوسه
جتنا وجتكو ستين حوسه
يبقى ف هذا الزمن المايل
ياما حتجري علينا هوايل
تبقى اللكلمه بدل الكلمة
والكاتب يمस्क منشار

يبقى الراعش

يعنى الشاعر

يسكن شقه ف بيت

فى قصيده

يكتب فول

ياكل أشعار

الانتخابات

شوف عندك يا سلام
وانفرج يا سلام
ع المدعو دومه عيسوي
وزير الأمن عام
فى الفصل الانتخابي
من مرسح السلام
سارح بالبطجية
والهجامه القدام
عشان ضمان عبوره
من دايرة لانتقام
وانفرج يا سلام
على عيسوي يا سلام

- العيسوي بيه
- العيسوي بيه
- صاحب البوكسات
- العيسوي بيه
- والحبسختات
- العيسوي بيه
- ملك اللومانات
- العيسوي بيه
- والمعتقات
- العيسوي بيه

- بشرى لجميع الهباشه
العيسوي
رمز الطفاشه
سبحان الله

من أومباشه
حكم الأمور يا ماشالله عليه
- العيسوي بيه
- العيسوي بيه

بشرى لجميع الحشاشه
العيسوي بيه
رمز الماشه
سبحان الله من أومباشه
بقي كل الإمن العام فى إديه
- العيسوي بيه
- العيسوي بيه

من أجل ضمان الحرية
لجميع تجار الباطنية
العيسوي بيه ميه الميه
حيخلي القرش
بربع جنييه
- العيسوي بيه
-العيسوي بيه

-خليكوا فاكربين
- العيسوي بيه
-تتتخبوا مين
- العيسوي بيه
- فليحيا أمين
- العيسوي بيه
- ابن أم أمين
-العيسوي بيه
- العيسوي بيه
- العيسوي بيه

فزورة

شوف عندك يا سلامم
اتفرج يا سلام
فزوره قرعاويه
من انتاج النظام
سمك لبن طماطم
بصل عسل سخام
فاعتبروا صاحبنا هديه
للاوساط القرعيه
هيبلا بيبلا وشيله ويا للا
لفعوا البقال اسم الله
على مجلس انس الشله
بقي ريس فرقته كبير
واحد بقال تموين
تفتكروا دا يطلع مين ؟
يساوى حزب حاكم
واخر انسجام
ولسه نشوف طلاس
مادام الوعي نام
واتفرج يا سلامم
وافهمها يا سلام
واحد بقال تموين
كان مطرح طه حسين!
وكمان مرضيش بالمطرح
تفتكروا يروح فين
كان قال فى الجامعه مدير
على درجه نص وزير
اظهر فى القرع مواهب

اكبر من سنه كثير
ولان الشله اياها
مواهبها
ما هيش وياها
شوف عندك يا سلام
واتفرج يا سلام
هزليه مرسحيه
على تياتروا السلام
سلام كلام اغانى
وعليكم السلام
ما عاد على الغلابه
عايد... غير الكلام
والحاله كل مادا
ياساده ياكرام
اتفرج يا سلام
ع المسرح يا سلام
سالمة يا سلامه
كوكاكولا جت بالسلامه
سالمة ياسلامه
ايا سالمة يا سلامه
نشروا الاعلان
ملو الجرنان
جوه البراويز الذهبيه
والتليفزيون
بالصوت واللون
كوكاكولا هي الاصليه
اشرب يا خفيف
بطل تخاريف
بلا طيظ الطور
بلا وطنيه
كوكاكولا تفوق

وتروق

ضد الافكار الهدامه

سالمة يا سالمة

وداليدا رجعت بسلامه

ايا سالمة يا سالمة

مصريه ومن مواليد شبرا

من تحت نفقها ومجاريها

لو كانوا ما حرقوش الاوبرا

كانت حتتور لياليها

بالغنوة المدهونه شفايف

غرقانه وسايحه ف بلاويها

سيد درويش اللي حيلتنا

سرقة

وباعوه بيعه ندامه

سالمة يا سالمة

طيري بينا ورفرفي يا حمامه

سالمة يا سالمة

على مصر الثانية ام علامه

ولاده وحبل وكره

غصبن عن عين اللي خانوها

لا اتغير لونها

ولا اوانها

ولا تنسي لسانها

ودار ابوها

تحبل مواويل

من فيض النيل

وتخلي ولادها يغنوها

تسرح غناويها ف حوارها

على نغمه بكرة البسامه

وسالمة يا سالمة

تولد وتقوم بالسلامه

الشحاتين

شوف عندك يا سلامم
وانفرج يا سلام
على فرقة جوع وغنى
سارحين وسط الزحام
ع الطلبة والريابه
الرك ع الكلام
يا شحاتين بلدنا
عددكو بيحي كام
لو كل بق كلمة
حتلاقوا البر عام
وانفرج يا سلامم
ع الفرقة يا سلام
* * *

الحمد لرب مقتدر
وصلاة الله على البدر
و اللعنة نهديها طرا
للقلب الصخري الحجري
* * *

فيم الإحسان وحتاما
في قوم أكلوا أقواما
بالسحت و الباطل عام
وسنينا بصنوف القهر
قد فاض الكيل أيا سادة
و الجوع يعربد بزيادة
و الهم لحاف ووسادة
يقلقنا إلى وجه الفجر
* * *

قد كان الناس إذا شبعوا
طعموا المحروم كما طبعوا
و اليوم تراهـم قد تبعوا
سبل التخزين أو الحذر
ففقير القوم إذا جاعا
و جميع عزال قد باعا
لا يجد العون إذا ضاعا
بل يسمع لوما كالصبر

و غني القوم ومولاهـم
لا يمنح شيئاً إياهم
غير الترحيب برؤياهم
جوعى

و الجوع أبو الكفر
فيضيع الحب المكنون
ويشيع الحقـد المجنون
ويذاع السر المدفون
بفضائح سكان القصر

قد قالوا سلاما فرخاء
فالخير إلى الناس تراءى
فازدوا غلاء فثراء
فالنصر إذا لم يعطينا
قوت الأطفال و يحمينا
فبناذا نفرح يا سينا
عدت
أو غرت إلى القبر
القاهرة/ ١٩٨٠

اليويو

يا واد يا يويو
يا مبرراتي
يا جنبه حادقة على فول حراتي
أستك لسانك
فارد ولامم
حسب الالبيج
يا مهلباتي

يا واد يا يويو يا مهلبية
فوق الصواني
ساичه وطريه
فى كل جلسه تلبس قضيه
وتخيل عليها
يا مشخصاتي
حسب الوظيفة
وأنت وشطارتك
تظهر حلاوتك
تظهر مرارتك
لو خفضوك ترفع حرارتك
لو سعدوك
تقلب جيلاني
وبالمناسبة
وأنت اللي أدري
كان لك تحفظ على المبادرة
ليه النهاردة بترش بودره
يا بن الأبالس
يا ملطفاتي
وفى النهاية

لك عندى كلمة
آخر طريقك زحل وضلمه
حيث ان آخر القرع ضلمه
يا إما كفته
عند العجائى
معتقل القناطر

قيدوا شمعة

قيدوا شمعة يا أحبه
ونورو لي
رمشين
من رمش عين
وبيندهولي
من هنا سكة ملامه
من هنا سكة ندامة
سكتين يا للا السلامة
أمشي فين يا ناس قولولي
* * *

رمشين من رمش جارج
فوق عيون السحر طارج
زادو نبض القلب حبه
بالأمانى
في المحبة
و الأمانى هناك بشوكها
طالعة فوق الشط ذكها
بتلاغي
و تتاديني
من بعيد و تقول أديني
كان بودي
عايز أعدي
و الظنون بتقول لي هدي
من هنا سكة ملامه
من هنا سكة ندامة
سكتين يا للا السلامة
أمشي فين يا ناس قولولي

قيدوا شمعہ
يا صبايا
نورو لي وطمنوني
بحر بيني و بين هوايا
موجه يشبه موج ظنوني
كل موجة شايله شيله
حلم ليلة
و هم ليله
عد موج البحر يا للي
شفت حالي وقول لخلي
كان بودي
عايز أعدى
و الظنون بتقولي هدى
من هنا سكة ملامة
من هنا سكة ندامه
سكتين يا للا السلامه
أمشي فين يا ناس قولولي

مال يا قلبي العشق بينا
مال وخالي البال يلومني
مال وقال للشوق يجينا
في الليالي يقل نومنا
بين مسانا
وبين صباحنا
و نصحي و الناس نعسانين
موعودين بالجرح يا احنا
والدوا للموعودين
إيه دا كله يا قلبي
إيه دا
شوف طريق العقل واهدا

من هنا سكة ملامه
من هنا سكة ندامه
سكتي يا للا السلامة
أمشي
أنا فين يا ناس قولولي
قيدوا شمعاه ونورولي

معتقل القناطر / ١٩٧٠

كَلْبُ السِّت

فِي الزَّمَالِكِ
مِنْ سَنِينَ
وَفِ حَمَا النِّيلِ الْقَدِيمِ
قَصْرُ
مِنْ عَصْرِ الْيَمِينِ
مَلِكٍ وَاحِدَةٍ مِنَ الْحَرِيمِ
صَيِّتَهَا أَكْثَرُ مِنَ الْإِدَانِ
يَسْمَعُوهُ الْمُسْلِمِينَ
وَالْتَنَرُ وَالتَّرْكَمَانُ
وَالْهِنُودُ وَالْمَنْبُودِينَ
سِتٌ فَاقَتْ عِ الرِّجَالَ
فِي الْمَقَامِ وَالْإِحْتِرَامِ
صَيِّتٌ وَشَهْرُهُ وَتِلْ مَالٌ
يَعْنَى فِي غَايَةِ التَّمَامِ
قَصْرُهُ يَعْنِي هِيَ كَلِمَةٌ
لِهَا كَلِمَةٌ فِي الْحُكُومَةِ
بِسَ رَبِّكَ لَجَلِ حُكْمِهِ
قَامَ حَرَمُهَا مِنَ الْأُمُومَةِ
وَالْأُمُومَةِ
طَبَعَ ثَابِتٌ
جَوْهُ حَوَا مِنْ الزَّمَانِ
تَعْمَلُ إِيَّاهُ السِّتُ
جَابِتُ
فُوكَسُ رُومِي وَلَهُ وَدَانُ
فُوكَسُ دَا عِبْقَالُ أَمْلَتُكَ
عِنْدَةَ دَسْتَةِ خِدَامِينَ
يَعْنَى مَشْ مَوْجُودٌ فِي عَيْلَتِكَ

شخص زية يا اسماعين
واسماعيلين دا يبقى واحد
م الجماعة التعبانيين
اللي داخوا فى المعاهد
والمدارس من سنين
حب يعمل واد فكاكة
يمشي حبة فى الزمالك
والقيامة والفتاكة
يرموا طبعا ع المهالك
عم سمعة من قيامة
حب يعمل فيها فلة
بعد ما الوظ بيجامته
اشترى حنة مجله
قول مشي يقرأ فى حكاية
من حكايات الغرام
واندماجة فى القرابه
خلا مشيه مش تمام
ع اليمين يحذف بعيد
خطوتين وبروح شمال
لمحه فوكس من الحديد
قال دا صيد
سهل حلال
هب نط فى كرشه دوغري
جانب بيجامته لحد ديلها
اسماعيلين بدال ما يجري
قال يا رجلى
رجلى مالها ؟
بص شاف الدم سايح
من عاليها ومن واطيها
وياल्ली جاي
وياल्ली رايح

المجله مش لا قيهها
حبه واتلموا الظنايا
اللى هما البوابين
والحكاية والرواية
قال لهم
دا كلب مين
كلب مين
ما كلب مينشى
سمعه لبخ حبتين
قال واحد منهم
امشى
اللى جابك عنده مين؟
قال دا شارع يا مواشي
والجميع بيمر منه
اللى راكب
اللى ماشى
مستحيل نستغنى عنه
كلمه من دا
وكلمه من دا
ظاظو واترسمت فضيحه
قول نهايته
القصد من دا
اسماعيل اكل الطريحه
راحو قسم الشرطه طبعا
والنيابه كفيله بيهم
واترموا فى الحجز جمعا
لما ييجي الدور عليهم
حبة والشاويش امين
قال : سعيد النقشبندي
قام غريم عم اسماعين
قال لة:

محسوبك يا افندي
قام سي سمعه
يروح معاه
الشاويش قال :
غور بدمك
راح تعوصنى
وفوق قفاه
كف طرّع
داهيه ف امك
تفتكر بفضل سي سمعه
قد ايه فى القسم نايم ؟
استضافه الحجز جمعه
يا بلاش
ادي العزايم
شاف بلاوي
ما تتحكّيش
م الديابه المسجونين
قال يا عالم
يا شاويش
يا نيايه
يامسئولين
خلصوه بعد المناهده
جثه من جحر الديابه
هى يمكن ساعه واحده
كان فى مكتب النيايه
قال له مالك يااسماعيلين
قال لة زي البمب... مالي ؟
قال له عضك فوكس فين
قال له سيبنى اروح لحالي
انت شوف سي فوكس يمكن
خد تسمم

غصب عني
الوكيل قال برضة ممكن
والشاويش
قعد يغنى
انت فين والكلب فين
انت قدة يا اسماعين
طب دا كلب الست يا ابني
وانت تطلع ابن مين
بشري لصحاب الديول
واللى له اربع رجول
بشرى لسيادنا البهايم
من جمائيس او عجول
اللى صاحبه يا جماعه
له غناوي
فى الاذاعه
راح يدوس فوق الغلابه
والنياه.. بالبتاعه

دولا مين

دولا مين ودولا مين

دولا عساكر مصريين

دولا مين ودولا مين

دولا ولاد الفلاحين

دولا الورد الحر البلدي

يصحى يفتح

تصحى يا بلدي

دولا خلاصة مصر يا ولدي

دولا عيون المصريين

دولا مين

دولا مين

دولا اخوتنا ودولا بنينا

دولا الأمل إلهي يخلينا

دولا المجد اللي يعلننا

فوق الجرح

نعود سالمين

دولا مين

دولا مين

دولا القوة ودولا العز

دولا شاربين من أطهر بز

هز يا دفعة هلاك هز

واحنا وراك

ملايين جايين

دولا مين

دولا مين

دولا يا سينا ولاد الشهدا

دولا التار

لا ينام ولا يهدا

خلي ترابك يسكن يهدا

ويضم الشهدا الجايين

دولا مين

دولا مين

أكتوبر / ١٩٧٣

موال للسّمك

يا بحر قول للسّمك
طول ما الشبك فوقك
لا العشق كارك
ولا رمل الشطوط شوقك
إنزل قرار النجا
واغطس ولا تقبش
موج العاللي خطر
في النوه
ومغبش
داري على شمعتك
وتحب.. ما تحبش
الصبح نور يا سمك
واعشق على زوقك

زهر الجناحين طرح
والعطر مش واحد
الشجر مع ان اصل
طالع فى غيط واحد
والحب لما اتبدر
مسقى بماء واحد
علفرعين عجبى
كان اصلهم واحد
واحد غرز فى الطين
واللى سرح.. واحد
لما انقطف والورد
يا رب يا واحد
ريحت بيه الوفات
واللى تعب.. واحد
جاوى جاوى بسيطه
روايه المجاله
مليحه جاوى جاوى
للى ما نايمشى
جاوى طويله جاوى
حكايه الرساله
جريبه جاوى جاوى
وانت ما عالمشى
مد الخطوة وامشى
تلجى الصعب فات
غير الله ما دامشى
وكل حى مات
المجاله وان كنت ناصح وفهمت

فهمها يابنى للى ما فاهمشى

بسيطه

كيف الدنيا لف ودور

يا طنبور

هم شويه

خلى الميه تغطى البور

معدودة الخطاوي

رايحه ولا جايه

يلمكش خوفك ما

ع الدنيا الدينه

جول الكلمه عالي

بالصوت البلالى

العداله جول ان

دين الانسانيه

كامش ليه وخايف

فرج الشفايف

واحد هو العمر

ولا العمر ميه ؟

وان كنت ناصح

وفهمت المجاله

فاهمشي فهمها يا بنى للى ما

بسيطه

كيف الدنيا لف ودور

يا طنبور

هم شويه

البور خلى الميه تغطى

المولى خالجنا بالعدل وناشينا

طل ف خلجه

تلجاة

مساوينا بالعجل

ومنور طريجنا من فضله وهاديننا

بالنور اللى طالل
من غرة نبينا
جن الليل غوانا
ومشينا فى عمانا
ونسينا شارعنا
وتهنا فى المدينة
وان كنت ناصح
وفهمت المجاله
فهما يا بنى لى ما فاهمشى
بسيطه
كيف الدنيا لف ودور
ياطنبور
هم شويه خلى الميه
تغطى البور
شبابك يا مودر
بسنيين العذاب
بين وهم الامانى
والصبر اللى شاب
المساوي صبرك ع
بيزيد البلاوي
وتبجى انت المصبيه
وتبجى انت المصاب
بصبرك يا ويلك
ع الظالم وظلمه
فى الدنيا وياويلك
من يوم الحساب
وفهمت المجاله وان كنت ناصح
فهما يا بنى لى ما فاهمشى
بسيطه
ودور كيف الدنيا لف
ياطنبور

هم شويه

خلى الميه تغطى البور

معتقل القناطر / ١٩٧٠

التوبة

أنوب إزاي وأنا أيوب
رمانى الوعد و المكتوب
سنين ماشي ورا الأفكار
على كفوف القدم دوار
لا خليت في الدروب مشوار
ولا فوق الورق مكتوب

رمانى الشوق مشيت سواح
أغني و ملو قلبي جراح
على يميني شجر
صبار
على شمالي
ما فيش أشجار
على قلبي الهوى جبار
وابات غالب
و أنا المغلوب
واتوب ازاي وأنا أيوب

رمانى الشوق
مشيت حادي
حدايا و غنوتي بلادي
يا عيني يا ليل
على إنسان
غريب الأهل في الأوطان
يقوم وقت البدار بدار
و عند القسمة
مش محسوب

و اتوب ازاي وأنا أيوب

يا عيني يا ليلي يا بحر النيل

يا كلمة مزوقة المواويل

على شطيك قلوب عشاق

سهارى يغزلوا الأشواق

و أنا ويا الجميع مشتاق

ليالي الوصل

يا محبوب

معتقل القناطر ١٩٧١

في الليل

الليل ملاح
تأيه سواح
لا ييوصل شط
الليل مشحون أسرار وشجون
وألْم ونغم
وكاسات ونايات ودموع وآهات
وعبر وحكم

ومشيت في الليل
خجلان مكسوف
إكمن الليل عريان مكشوف
أفراح الناس
وجراح الناس
على صدر الليل عناقيد وصفوف
وعيون الليل والضلمة جبال
فاردين على وش السما غريال
ألماظ مبدور
في كاسات بنور
يفرش للنور ع الأرض خيال

ويشق سكون الكون
أرغول
ونغم فنان ثاير مخبول
وعليل على فرشه بيتقلب
ويحاييل جرحه المداري
ويقول
يا طبيب قلبك طيب

إسمعني
ح أقولك أسراري
لوشلت الشكوى على لساني
ورميتها قريب
ما تكونش جراحي مألماي
أبدا يا طبيب
أنا دقت الجرح وخذت عليه
يسقيني المر
وبرضه اسقيه
من بحر الصبر اللي ف قلبي
ح تقوللي بتشكي امال من إيه؟
ولا من أوجاع
ولا شوق ملتا ع
دنا عمري إن ضاع
مش ابكي عليه
أبدا يا طبيب
يا طبيب دنا جرحي ملوعني
وساقيني الحنضل من كاسي
والنار في ضلوعي بتلسعني
وأنا لسه صغار
والعيا قاسي
ولا عمر الليل مرة سمعني
عليت الآه على أنفاسي
أبدا يا طبيب
لكن يا طبيب أنا بابكي صحيح
وياقول الآه
زي المجاريح
ودموعي في عيني بتتألم
ويتكلم
على قلب جريح
مسكين

كان أمله يحب سنين
ويلم الحب ف عشه انتين
واتهنى معاه
وإن قال الآه
أنا اقول له يا روح القلب
آهين
بس أنا لا بيدي
ولا بودي
دا قدر مقسوم
قدر لحبيبي يعيش بعدي
في الهوى محروم
أهوذا اللي وجعني
وخلاني
حطيت الشكوى على لساني
إنما وحياء اللي قاسيته
وحياء الأمل اللي بنيتيه
وحياء اللي جرحته
ولا فرحت معاه
ولا هنيئته
لوشلت الشكوى على لساني
ورميتها قريب
ما تكونش جراحي مألmani
أبدا يا طبيب؟

وبنام الصوت
والكون حواليه
ساكن نعسان
وكأنه مات
رمي ثقله عليه
سكت العيان

الكاس له ناس
والليل مجالات
والحان مليون والناس مزاجات
ومجال الكاس
أشكال أجناس
مليون حوادث
مليون روايات

ونزور في الليل دنيا الخمار
ونلاقي الكاس
ع الناس دوار
ويموت الليل على باب الحان
حيخش ازاى والدنيا نهار
ونفوس وقلوب كده ع المكشوف
عريانه تمام
وتعالي نشوف

شوف دا اللي هناك
قدامه كاسين
مع إنه لوحده
ما هوش اتنين
والناس بيبصوا
ومش فاهمين الكاس دا لمين
والكاس دا لمين
أهوذا اللي بنظرة عين
شيكوه
وفاتوله كاس مليون
وفاتوه
وحكايته طويلة
وهمه تقبل
وح اقول لك إيه وأعيد لك إيه

رايح يملا عيونہ بحلم جميل
بيا ع السهد ملا له عينه

وترن ف جوالحان
ألحان
نشوانه تخلي المولد هس
وغزاله بتتغزل ف حصان
بتقول له
إحبك أنت وبس
ويفز هنا سيدنا المنظور
ويطب الكاس ف إديه
مكسور
ويقول غشاشه
حتلعب بيبك
ويرد الثاني عليه بفتور:
طب وانت مزعل نفسك ليه
حشري وسخيف
وح قولك إيه
ومانولي يقول
"موش أندك حق"
والسامر يضحك لما يطق
ويحط الحشري عنيه
في الأرض
وكأنه لحن في الدين
والفرض
ويقوم
يطوح مرة يمين
ويميل زي البخت شمال
وف جوف الليل
يغرق مسكين
لا يغير حال

ولا يشغل بال

الحظ حمار

من غير حمار فقد التمييز

زي المجانين

هجر البساتين سكن الدهاليز

والحظ بطبع غباوته عنيد

ودماغه حديد

لو يعند حتى على الغزلان

ينسخطوا معيز

ونسيب دهليز

نخش في باب

ونعدي الباب ندخل سرداب

ونلاقي ضحايا الليل واقفين

والحظ بيلعب بالأعصاب

تراييزة عليها نمر بنظام

من واحد يمكن لما لألف

والدنيا بزي ما هي تمام

على هيئة كورة

تدور وتلف

وشنب مقتول

يصرخ ويقول

اللقمة بتنده أكالها

والرزق نصيب

والدنيا دايرة

ف احولها

زي المجاذيب

الصبح معاك

والضهر عليك

والحظ لو ادى

ما بينقش

جربها
ويمكن لو تديك
من جودك برضه
ما تحرمش
قرب قرب
جرب جرب
ودي لعبة حظ
ما فيش تبكيش

والكورة تدور
زي المقدور
تحرن على ناس
وتجامل ناس
والشيخ سلمون شعبان مندور
واقف على أعصابه ومتحاس
يعلب ع الستة
الخمسة تصيب
ينقل ع الخمسة
الخمسة
تخيب
وخلص الحظ اداله قفاه
والحظ أن ولي
بيبقى عجيب
كلها ساعتين
وصريخ
سلمون لعلع مقامات
نهاوند ورست وسيكا وصبا
وحجاز وبيات
يا فلوس الناس
يا خراب البيت
يا نهار مشوم

طب المسكين من طولہ ورفض
يظهر مات
والناس ملهيه ف أحوالها
بيدوسوا عليه
وبتاع الكورة مشغلها
ح ييطل ليه
واللقمة بتتده أكلها
طب ودا كل إيه؟

الشارع نايم تحت جناح الليل همدان
وعيون النور
تعبانه بتنعس ع العمدان
والكون ملفوف
بعباية
نسجها الليل بالخوف
وف بحر الضلمة رأيت على بعد
شبح
حققت بعيني
لقتها يمامة وكاسرة الطوق
كراييج الليل
ناقشينها جراح
من تحت لفوق
والأسى ف عينها
مصحى الشكوى تقول حواديت
حواديت
ما لهاش علاقات بالشوق
وليالي الشوق
مسيبت
ورميت على الحلو سلام
قالت سلامين
أنا قلت لوحذك ليه يا حمام

ووليفك فين
مالك بالليل وجبال الرعب
خليك يا حمام
عيش للحب
شالت بجناح
حطت بجناح
وررتني جراح
تحت الجناحين
وقالت لي
زمان الحب ما راح
وبقي لنا سنين في الليل ضايعين
خد مني الليل
واداني الليل
ورميت له الغالي بسعر زهيد
وسقاني الشهد ودقت الويل
وكساني حرير ولبست حديد
وعرفت الناس من الراس للديل
وآمنت بأن الكل عبيد
وقالتها وطارت في ثواني
وانا شارد وخيالي يصور
وغمزني الفجر وصحاني
ولقيت الكون بادي ينور
وصحيت من غفوة سرحاني
على صوت بيقول
الله أكبر
القاهرة/ ١٩٦٤

تل الزعتر

يا حكاية كل الناس
من قلب الناس للناس
تصحى على لسان الناس
وتبات في ضمير الناس
يا أظهر جرح
وأشرف جرح
وأوجع جرح ف قلب الناس
يا تل الزعتر

القاهرة/ ١٩٧٦
رجعوا التلامذة

رجعوا التلامذة
يا عم حمزة
للجد تانى
يامصر انتي
اللى باقية وانتى
قطف الاماني
لا كوره نفعت
ولا اونطه
ولا المناقشة وجدل بيزنطه
ولا الصحافة
والصحفجية
شاغلين شبابنا
عن القضية
قيمولنا صهبة
يا صهبجية

ودوقونا طعم الاغانى
رجعوا التلاميذه
للجد تاني
طلعوا التلاميذه
ورد الجنانين
اسمع يا ميلص
وشوف وعابن
ملعون ابوك ابن كلب خاين
يا صوت اميركا
يا امريكانى

النقطة

- النقطة
- علشان لاحباب
- وصحبها
- واحد نصاب
- دا معلم
- أبدا كداب
- وبيكسب
- من غير أسباب
- والصحبة
- خنازير وكلاب
- وأنا وانت
- نطلع م الباب
- ***

- لا صوت يعلو فوق صوت المعركة
- لا صوت يعلو فوق صوت المعركة
- كل الجهود كل الزنود للمعركة
- كل الجهود كل الزنود للمعركة
- ألحان جنان تعزف نشيد المعركة
- ألحان جنان تعزف نشيد المعركة
- وكمان لجان عشان عيون المعركة
- وكمان لجان عشان عيون المعركة
- سلام يا واد للست معمع معركة
- سلام يا واد للست معمع معركة
- و كمان سلام لأهل بيت المعركة
- و كمان سلام لأهل بيت المعركة
- ***

- سندات جهاد جداد عشان المعركة

- سندات جهاد جداد عشان المعركة
- لازم جميع الناس يساعدوا المعركة
- طبعا جميع الناس يساعدوا المعركة
- مخلوق مفيش إن لم يعيش للمعركة
- مخلوق مفيش إن لم يعيش للمعركة
- و أموت قتيل و لا فيش بديل للمعركة
- و تموت قتيل ولا فيش بديل للمعركة
- حاكم ضروري وإن حتما معركة
- طبعا ضروري وإن حتما معركة
- سلام عشان لأن حتما معركة
- سلام عشان لأن حتما معركة

- خطاب خطير يشرح مصير المعركة
- عشرين خطاب كمان عشان المعركة
- جندنا جيش مليون عشان المعركة
- جندتوا ديشليون عشان المعركة
- وخبزنا عيش اسود عشان المعركة
- وأكلنا عيش اسود بلون المعركة
- الشعب جاع الشعب صاع دي معركة
- نجوع نصوع راضيين عشان المعركة
- إذ إن بن تن ترن المعركة
- هرشت مخي هي فين المعركة
- إخرس يا واد واهتف لتحيا المعركة
- أهتف ليه مش لما اشوف المعركة
- إمسك بوليس جاسوس خسيس
- ماسمعتاش بنقول يا تيس
- لا صوت يعلو فوق صوت المعركة
- اهتف يا واد لا صوت يعلو
- هي فين
- اهتف يا واد لا عوت يصلو
- هي عين المفركة

يا همبكا في البمبكا
على بمبمكا في الهمبكه

(١)

شاعر بيتخن من بوزه
ممکن تخوف به عيالك
نازل يقزقر أزا أوزو
حتتک يمينک وشمالک
بقی مليونير
واللي يعوزه
يلقاه في ايده
عقبالك

وخلي بالك من زوزو
وخلي زوزو من بالك

(٢)

يا وليه عيب اختشي
يا شبه ايد الهون
دانتی اللي زيک مشي
يا مرضعة قلاوون
مدحتي عشرين ملك
وميت وزير ورئيس
مروان
و عبد الملك
و المفتری
وعتریس

وبتغني بالزمبالک؟
ولا انتي صوت إبليس
من أول المبتدأ
حتى نهاية الكون؟

(٣)

اللورد بن اللورد بن اللورد

ابن اللورد

متأصل في الثروه

لا أوناسيس

ولا فورد

حيطبق بسلامته

قوانين لاشتراكيه

ويدافع " من عشمه "

عن صوت الحرية

واهي كوسه

على باميا

على قرع استامبوللي

بتفرع يا بلدنا

على وش التسقيه

(٤)

سكرتير عموم مصر

وافهم كلامي

تعدد مناصبه

ولا تنتهيش

وجيه بالورائه

و جاهل عصامي

جمع جهل طایل

و إيه؟

من مفيش

و كان أصله ظابط

وحول حرامي

ويكتب أدب

بس ميقریش

(٥)

لماليو الشخلوعه
الدلوعه الكتكوت
الليلة حيتتهد
ويغني ويموت
يشلوه قال على لندن
علشان جده هناك
من بعد ما يتلايم
على داخل الشباك
ويهرب أموالك
ويقولك أهواك
يا شعب يا متلوع
ع الهدمه وع القوت

(٦)

سنسونة المعتبر
ما لقاش أب يلمه
ابن امه
بس امه كانت اجدع من أمه
باع نفسه بخسارة
ما قابلش المعاييرجي
كان مالك أفكاره
واتعين تفكيرجي
والحاجه اللي تحير
طب إيه اللي اتغير
كان كاتب سرايرجي
واتحول شماسرجي

(٧)

يكون في عون الصحافه
الله يكون في العون

لماك يا دود القرافه
يا رمه يا ملعون
تتهش لحوم الفرائس
في الضلمة يا وطواط
و الكلمة عندك بضاعه
و أما الشرف مطاط
بريئة منك بلدنا
مسلمين واقباط
ولا أنت موسى
ولا أنت
من كلاب فرعون

(٨)

مجاول وشاعر
وبياع ملوحيه
وتاجر غناوي
وسمسار بنات
نعيمه و زكيه وعطيات وتوحيه
ومخبر مودك
على التجريرات
حضر من بلدهم
بمقطف ملوحيه
جبر واشتراله
تلات تاكسيهات

(٩)

يتوب على دي البلد
منك وأمثالك
ما عدش لينا جلد
على سو أفعالك
الفن للمعركه

عبيته في البلايص
وصحافة المعركة
في الكذب و التهجين
ومليت طريق الهرم
يا عرص
بالتعريض
ما دام ما فيش للهرم
صاحب هنيا لك

(١٠)

لأن الصراحة ف بلدنا قليله
بفضل المباحث
وأدب الرموز
جعلها اللئيم ابن بنت اللئيمه
شعار يرمي تحته السموم
كيف يعوز
ويهدل أصول
الصراحه العظيمة
وخلا الندوب
في الحقايق
يزور
وحرر وحل
وكثر وقلل
و سمي القبيله
الذليله
حليمه
و قال على السكوت ع الهزيمه
ويجوز

سجن القلعة / ١٩٧٣

التحالف

يعيش أهل بلدي
وبينهم ما فيش
تعارف
يخلي التحالف يعيش
تعيش كل طائفه
من الثانية خايفه
وتنزل ستاير بداير وشيش
لكن في الموالد
يا شعبي يا خالد
بننلم صحبه
ونهنف..يعيش
يعيش أهل بلدي

يعيش المثقف على مقهى ريش
يعيش يعيش يعيش
محفلط مزفلط كتر كلام
عديم الممارسه
عدو الزحام
بكلام كلمة فاضيه
و كام اصطلاح
يفبرك حلول المشاكل قوام
يعيش المثقف
يعيش يعيش يعيش
يعيش أهل بلدي

يعيش التنايله
في حي الزمالك

وحي الزمالك
مسالك مسالك
تحاول تفكر تهوب هناك
تودر حياتك
بلاش المهالك
لذلك
إذا عزت توصف حياتهم
تقول الحياة عندنا
مش كذلك
و ممكن تشوفهم في وسط المدينة
إذا مر جنبك
أنومبيل سفينه
قفاهم عجينه
كروشهم سمينه
جلودهم بتضوي
دماغهم تخينه
سنانهم مبادر تقوت في الجليد
مافيش سخن بارد
بياكلوا الحديد
ما دام نهر وارد
وجاي م الصعيد
تزيد الموارد
كرشهم تزيد
وتسمع وتسلم
بأن التتابله
أو الأكالين
حيسمح كبيرهم
و يعمل مقابله
مع الفلاحين
ويحصل تحالف
ما بين الجميع

و نملا المصارف
بدم القطيع
أطيع الخليفه
أطيع التنايله
دا مفروض عليك
وتزرع وتبعت لحي الزمالك
وحي الزمالك
مسالك مسالك
تحاول تفكر تهوب هناك
تودر حياتك
بلاش المهالك
لذلك
إذا حد جاب لك سيرتهم
تبسمل تكبر
وتهنف كذلك
ويعيش التنايله
يعيش يعيش يعيش
يعيش أهل بلدي

يعيش الغلابه
في طي النجوع
نهارهم سحابه
وليلهم دموع
سواعد هزيله
لكن فيها حيله
تبدر تخضر جفاف الربوع
مكن شغل كايرو
ما يتعبش دايره
لا ياكل
ولا حتى يقدر يجوع
يا غلبان بلدنا

يا فلاح يا صانع
يا شحم السواقي
يا فحم المصانع
يا منتج
يا مبهج
يا آخر حلاوه
يا هادي
يا راضي
يا عاقل
يا قانع
ما تتعيش عقلك
في شغل السياسة
وشوف أنت شغلك
بهمه وحماسه
وعود عيالك فضيلة الرضا
لأن احنا طبعا
عييد القضا
ورزقك ورزقي ورزق الكلاب
دا موضوع مؤجل ليوم الحساب
كمان الصحافه
حتكتب في حالتك
وتتشر مناظر لخالك وخالتك
وتطلع يا مسعد عليك الغناوي
وتسمع بإسمك
في قلب القهاوي
تحبك مشيره وبنات الجزيره
و قصة غرامك
تشيع في الرداوي
يعيش عم مسعد
يعيش يعيش يعيش
يعيش أهل بلدي

القاهرة / ١٩٦٧

صباح الخير

صباح الخير على الورد اللي فتح

في جناين مصر

صباح العندليب يشدي

بألحان السبوع يا مصر

صباح الدايه و اللفه

ورش الملح في الزفه

صباح يطلع بأعلامنا

من القلعة لباب النصر

سلامتك يا مه يا مهره

يا حباله

يا ولاده

يا ست الكل يا طاهره

سلامتك

من الام الحيض

من الحرمان

من القهره

سلامة نهديك المرضع

سلامة بطنك الخضرا

هناكي وفرخة الوالده

تضمي الولد

يا والده

يصونهم لك

ويحميهم

يكثرهم

يخليهم

يجمع شملهم

بيكي
يتم فرحتك
بيهم صباح الخير على ولادك
صباح الياسمين والفل
تعيشي ويفنوا حسادك
ويسقوهم
كاسات الذل
وبلغ يا سمير غطاس
يا ضيف المعتقل سنوي
بصوتك دا اللي
كله نحاس
صبح الخير على الثانوي
وأهلا بيكو في القلعه
و باللي في الطريق جابين
ما دامت مصر ولاده
وفيهما الطلق والعهاده
حتفضل شمسها
طالعها
برغم القلعه
والزنازين

سجن القلعة / ١٩٧٣

شيد قصورك

شيد قصورك ع المزارع
من كدنا وعمل إدينا
الخمارات جنب المصانع
والسجن مطرح الجنينه
واطلق كلابك
فى الشوارع
واقفل زنازينك
علينا
وقلّ نومنا فى المضاجع
أدى إحنا
نمنا ما اشتھينا
وانقل علينا بالمواقع
إحنا اتوجعنا
واكتفينا
وعرفنا
مين سبب جراحنا
وعرفنا روحنا
والنقينا
عمال وفلاحين
وطلبه
دقت ساعتنا
وإبتدينا
نسللك طريق
مالهش راجع
والنصر قرب من عنينا
النصر أقرب
من إدينا

رسالة

واه يا عبد الودود
يا رابض ع الحدود
و محافظ ع النظام
كيفك يا واد صحيح
عسى الله تكون مليح
وراجب للأمام
ما عاد إلا المعاد
أمك ع تدعي ليك
وع تسلم عليك
و تجول بعد السلام
خليك ددع لابوك
ليجولوا منين دابوك
ويمصخوا الكلام

واه يا عبد الودود
ع اجولك وانت خابر
كل الجضيه عاد
و لسه دم خيك
ما شرباش التراب
حسك عينك ترحزح
يدك عن الزناد
خليك يا عبده راصد
لساعة الحساب
آن الأوان يا ولدي
تتفض الشركة واصل
وينزحوا الكلاب
إن كنت ود أبوك
تديب لي

تار اخوك
والأهل يبلغوك
دميعا السلام

و اه يا عبد الودود
كيفك وكيف زمايلك
عسى الله طيبين
خالك زناتي
داي لك
ضمن المتطوعين
واختك تطلع يوماتي
ع المستشفى الجديده
حاكم ع يمرنوها
في العركة تكون حكيمة
ومحمدين موافي
يتعلم المطافي ويجولك شد عظمك
ويجولك العوافي
و من هنا الجرايب
والعيلة والعيال
ع يبلغوك سلامهم
ولتمة الرجال
و آخر الكلام
نجول لك في الختام
الله يصون بلدنا
و يحرس السلام
والدك/ حسن محارب
غفير برج الحمام

القاهرة/ ٩ يونيو ١٩٦٧

الإضراب

باسم الإله الشعب
رب المضربين
الصايم
المحروم على مر السنين
يا منشدين الحي
حيوا حيناً
واحنا هنا
ع العهد دائماً مخلصين
محلا القصايد
في الشدايد.. والغنا
محلا الكلام الحب
أوقات الشقا
احنا اللي تهنا ع الطريق
من بغضنا
متفرقين
والسجن هوا الملتقي !
آه يا رفاقه
من متاهات الطريق
لما الليالي
بيتخفق فيها القمر
يمشي الصديق
في الضلمه
يخبط في الصديق
والسكه بنت الخطوتين
تاخذ سنه !

إحنا النهارده فين

وكام
وبكره كام
وبعده فين ؟
في كل يوم بنزور مكان
وكل يوم
بنزير عدد
وكل يوم
نفتح ببيان
وكل يوم
بنزير سدد
وكل يوم
يطلع بنا
وكل يوم
ينزل هدد
وكل يوم
نحبل غنا
وكل يوم
نولد مدد
احنا كده لازم نكون
جوا السجون
برا السجون
محلا القصايد
في الشدايد والغنا
محلا العيدان الخضر
في الربع الخراب
احنا اللي تهنا ع الطريق
من بعضنا
متجمعين
بنخط صفحه في الكتاب
ملعونه قامه تتحني بالقهر
من حاكم..وخان

ملعونه كلمه تنتني في الحلق

تهرب م اللسان

ملعونه ساعه تتحسب م العمر

يطويها الخنوع

ملعونه لقمه مغمسه بالذل

ملعونه الجبان

آه يا رفاقه

ياللي عملتوا الصلابه للحجر

باندك لكم

وسط الكآبه

والرتابه.. والضجر

يا مقربين الفجر

نوره ومطلعه

مدوا المسامع

في المجامع

واسمعوا

صرخة مغني الحي من جوف العدم

اتجمعوا

اتجمعوا

اتجمعوا

البتاع

يا للي فتحت
البتاع
فتحك على مققول
لأن أصل البتاع
واصل على موصول
فأى شئ في البتاع
الناس تشوف على طول
والناس تموت في البتاع
فبقي مين مسؤول ؟
وإزاي حتفتح بتاع
في وسط ناس بتقول
بأن هذا البتاع
جاء الخراب مشمول
لأنه حنة بتاع
جاهل
غبي
مخبول
أمر بفتح البتاع
لأنه
كان مسطول !

وبعد فتح البتاع
جأوا الهوا المنقول
نكس عشوش البتاع
وهذ كل أصول
وفات في غيط البتاع
قام سمم المحصول
وخلا لون البتاع
أصفر

حزين
مهزول
وساد قانون البتاع
ولا عله ولا معلول
فالقاضي بتع البتاع
فالحق ع المقتول
والجهل زاد في البتاع
ولا مقري
ولا منقول
والخوف
سرح في البتاع
خلا الديابه تصول
ويبقى البتاع في البتاع
والناس صايبيها ذهول
وأن حد قال دا البتاع
يقولوا له
مش معقول

وناس تعيش بالبتاع
وناس تموت بالفول
وناس تمام ع البتاع
وناس تمام كشكول
آدي اللي جابه البتاع
جابه الخراب بالطول
لأنه حنة بتاع
مخلب
لراس الغول
باع البتاع بالبتاع
وعشان يعيش على طول
عين حرس بالبتاع
وبرضه مات مقتول